

**Komisija za pripremanje prijedloga za izbor
kademskog osoblja u zvanje asistent na oblasti
Mikroekonomika poljoprivrede i prehrambene industrije**

Sarajevo, 23.10.2019. godine

Broj:

**NASTAVNO-NAUČNOM VIJEĆU
POLJOPRIVREDNO-PREHRAMBENOG FAKULTETA
UNIVERZITETA U SARAJEVU**

PREDMET: Izvještaj komisije za pripremanje prijedloga za izbor akademskog osoblja u naučno-nastavno zvanje asistent na oblasti *Mikroekonomika poljoprivrede i prehrambene industrije*.

Na osnovu Rješenja Kantonalne prosvjetne inspekcije broj UP-1-14-12-38-17714/19-12/05 od 30.09.2019., Odluke Dekana broj 01-1-2551/19 od 21.10.2019. o poništenju Prijedloga odluke o izboru Alena Mujčinovića, MA u zvanje asistenta za oblast ekonomika poljoprivrede i prehrambene industrije na Poljoprivredno-prehrambenom fakultetu Univerziteta u Sarajevu broj: 01-6-673/19 od 14.03.2019. godine, Komisiji za pripremanje Prijedloga za izbor akademskog osoblja u naučno-nastavno zvanje asistent na oblasti Mikroekonomika poljoprivrede i prehrambene industrije je naloženo da svoj Izvještaj broj 611 od 05.03.2019. uskladi sa odredbama Zakona o visokom obrazovanju i dostavi da Nastavno-naučnom vijeću Fakulteta na razmatranje.

Odlukom Nastavno-naučnog vijeća Poljoprivredno-prehrambenog fakulteta u Sarajevu br. 01-1-599/19 od 04.03.2019. formirana je Komisija za pripremanje Prijedloga za izbor akademskog osoblja u naučno-nastavno zvanje asistent na oblasti Mikroekonomika poljoprivrede i prehrambene industrije – jedan izvršilac sa punim radnim vremenom, u sastavu:

1. Prof. dr. Aleksandra Nikolić, doktor poljoprivrednih nauka, redovni profesor Poljoprivredno-prehrambenog fakulteta Univerziteta u Sarajevu za oblast Mikroekonomika poljoprivrede i prehrambene industrije, predsjednik,
2. Prof. dr. Sabahudin Bajramović, doktor poljoprivrednih nauka, redovni profesor Poljoprivredno-prehrambenog fakulteta Univerziteta u Sarajevu za oblast Mikroekonomika poljoprivrede i prehrambene industrije, član
3. Prof. dr. Dragana Ognjenović, doktor poljoprivrednih nauka, vanredni profesor Poljoprivredno-prehrambenog fakulteta Univerziteta u Sarajevu za oblast Mikroekonomika poljoprivrede i prehrambene industrije, član

Nakon uvida u dostavljenu dokumentaciju od strane Sekretarijata Fakulteta, navedena komisija podnosi Nastavno-naučnom vijeću Poljoprivredno-prehrambenog fakulteta u Sarajevu slijedeći

IZVJEŠTAJ

Na raspisani Konkurs Univerziteta u Sarajevu („program 150+“), koji je objavljen od 04.02.2019. godine, na web stranici Fakulteta i Univerziteta u Sarajevu, blagovremeno su pristigle tri prijave, kandidata: Nedže Maktouf – Kahrیمان, Alena Mujčinovića i Elvedina Alića.

1. Kandidatkinja **Nedžla Maktouf – Kahrیمان** rođena je 22.01.1988. godine u Travniku.

Uz Prijavu na Konkurs, sa spiskom dostavljene dokumentacije, dostavila je slijedeće konkursom zahtijevane dokumente i dokaze: Biografiju u printanoj formi; Izvod iz matične knjige rođenih, Uvjerenje o državljanstvu, Diplomom o završenom pred-bolonjskom diplomskom studiju na Poljoprivredno-prehrambenom fakultetu Univerziteta u Sarajevu na kojem je stekla zvanje diplomiranog inženjera poljoprivrede – odsjek za tehnologiju poljoprivrednih i prehrambenih proizvoda; te Diplomom magistra poljoprivrednih nauka za naučnu oblast Ekonomika poljoprivrede i prehrambene industrije stečenu na Poljoprivredno-prehrambenom fakultetu Univerziteta u Sarajevu, Uvjerenje o prepisu ocjena na dodiplomskom studiju iz kojeg se vidi da je kandidatkinja položila sve ispite sa ostvarenom prosječnom ocjenom **8,19**; Uvjerenje o položenim ispitima na postdiplomskom studiju iz kojeg se vidi da je prosječna ocjena na ovom ciklusu studija **10,00**; Uvjerenje da se nalazi na evidenciju nezaposlenih Službe za zapošljavanje Kantona Sarajevo; preporuku dr Hamida Bogučanina, prof. Emeritusa. Kandidatkinja je u biografiji navela koautorstvo u jednom radu, objavljenom 2007. godine. Pored toga, kandidatkinja je dostavila i sljedeću dodatnu dokumentaciju: Diplomom „Strategic leadership, izdate od Alterna International, Certifikat o završenom treningu „Structogram- ključ samospoznaje“, Certifikat o završenom Oriflame Ekspertskom seminaru; Diplomom Oriflame SARPIO Seminara, te dokaz o dodjeli statusa Oriflame direktora.

2. Kandidat **Alen Mujčinović**, rođen u Zenici 06.9.1989. godine.

Uz Prijavu na Konkurs, sa spiskom dostavljene dokumentacije, dostavio je slijedeće dokumente i dokaze: Biografiju u elektronskoj i printanoj formi, Izvod iz matične knjige rođenih, Uvjerenje o državljanstvu, Diplome o završenom I i II ciklusu studija na Poljoprivredno-prehrambenom fakultetu Univerziteta u Sarajevu, sa dodacima diploma iz kojih se vidi da je I ciklus studija završio na odsjeku Ekonomika poljoprivrede i prehrambene industrije, smjer Ekonomika agroindustrije, te stekao zvanje Bakalaureat poljoprivrede sa prosječnom ocjenom **8,35**. Drugi ciklus studija je također završio na odsjeku Ekonomika poljoprivrede i prehrambene industrije, smjer Ekonomika agroindustrije, te stekao zvanje Magistar poljoprivrede sa prosječnom ocjenom **9,59**. Kandidat je dostavio i priznanje „Zlatna značka“ Univerziteta u Sarajevu kao i Uvjerenje da se nalazi na evidenciju nezaposlenih Službe za zapošljavanje Kantona Sarajevo.

U ostaloj priloženoj dokumentaciji nalaze se: Potvrdu o statusu studenta III ciklusa doktorskog studija Poljoprivredne nauke kao i Odluku o odbrani projekta doktorske disertacije na Poljoprivredno-prehrambenom fakultetu Univerziteta u Sarajevu, Potvrdu o obavljenoj studijskoj razmjeni/specijalizaciji na Univerzitetu u Hohenheimu, Štuttgart, Njemačka (april, 2016. – april, 2017. godine) kao i ocjene ostvarene u navedenom periodu, Potvrdu o učešću na Internacionalnoj ljetnoj školi "Pčelarstvo: Sačuvajmo našu budućnost", Potvrde o učešću na stručnim nacionalnim (4) i internacionalnim treninzima (9), Potvrde o ostvarenim nagradama i priznanjima (4), Preporuke (3), Potvrdu o učešću na internacionalnom projektu Western Balkan Urban Agriculture (BUGI), Erasmus+ Programme - Strategic Partnership Project Nr: 586304-EPP-1-2017-BA-EPPKA2-CBHE-JP, Dokaz o poznavanju engleskog jezika i dokaz o poznavanju rada na računaru, Certifikate o učešću na konferencijama (8), Dokaz o naučno-istraživačkom radu (separate 12 radova).

3. Kandidat **Alić Elvedin**, rođen u Prištini 02.01.1989. godine.

Uz Prijavu na Konkurs, sa spiskom dostavljene dokumentacije, kandidat je dostavio slijedeće dokumente i dokaze: Biografiju u printanoj formi, Izvod iz matične knjige rođenih, Uvjerenje o državljanstvu, Diplome o završenom I i II ciklusu studija na Poljoprivredno-prehrambenom fakultetu Univerziteta u Sarajevu, sa dodacima diploma iz kojih se vidi da je I ciklus studija završio na odsjeku Ekonomika poljoprivrede i prehrambene industrije, smjer Ekonomika agroindustrije, te stekao zvanje Bakalaureat poljoprivrede sa prosječnom ocjenom **8,37**. Drugi ciklus studija je završio na odsjeku Biljna proizvodnja, smjer Fitomedicina, te stekao zvanje Magistar poljoprivrede sa prosječnom ocjenom **8,86**.

U ostaloj priloženoj dokumentaciji kandidat je dostavio: certifikat o poznavanju rada na računaru, diplomu o poznavanju engleskog i njemačkog jezika, certifikat o osvajanju trećeg mjesta na konferenciji za poljoprivredu i veterinrstvo u Novom Sadu, bibliografsku listu sa navedena dva rada.

Mišljenje i prijedlog

Na osnovu uvida u priloženu dokumentaciju kandidata, Komisija konstatuje da sva tri kandidata ispunjavaju sve uvjete za izbor asistenta propisane Zakonom o visokom obrazovanju Kantona Sarajevo, te Pravila Univerziteta u Sarajevu i Pravila Poljoprivredno-prehrambenog fakulteta a Nastavno-naučnom vijeću predlaže da se u zvanje asistenta na oblasti mikroekonomika poljoprivrede i prehrambene industrije, kao najbolji od tri kandidata, izabere kandidat **Alen Mujčinović**. Prijedlog se potkrepljuje sljedećim činjenicama:

1. Pored općih zakonskih uvjeta, kandidat ispunjava uvjete utvrđene članom 96. Zakona o visokom obrazovanju KS za izbor u naučno-nastavno zvanje asistenta. Završio je odgovarajući I i II ciklus studija na Poljoprivredno-prehrambenom fakultetu sa prosječnim ocjenama **8,35** odnosno **9,59**.
2. Kandidat je, jedini od kandidata koji su konkurisali, oba ciklusa studiranja završio iz oblasti za koju je raspisan konkurs.
3. Kandidat je, jedini od kandidata, dobitnik priznanja Zlatna značka Univerziteta u Sarajevu za drugi ciklus studija.
4. Kandidat je student III ciklusa na Poljoprivredno-prehrambenom fakultetu Univerziteta u Sarajevu, te je uspješno odbranio prijedlog projekta doktorske disertacije.
5. Kandidat je dostavio dokaze naučno-istraživačkim sposobnostima, (separati 12 autorskih i koautorskih radova, certifikati o sudjelovanjima na osam naučnih konferencija, te potvrdu o učešću na internacionalnom projektu) koji ga značajno ističu među kandidatima koji su konkurisali.
6. Kandidat je učesnik jednogodišnje studijske razmjene na Univerzitetu u Hohenheimu, Njemačka, (april, 2016. – april, 2017. godine).
7. Dobitnik je brojnih priznanja (npr. Najbolji esej na temu „Reforma poljoprivrede u BiH“), te učesnik četiri stručna nacionalna i devet međunarodnih treninga.

Komisija je jednoglasna u mišljenju da je, na osnovu svih priloženih dokumenata Alen Mujčinović najbolji od sva tri kandidata koji su konkurisali za izbor u zvanje asistenta oblasti mikroekonomika poljoprivrede i prehrambene industrije.

Uvažavajući navedeno, Komisija predlaže Nastavno-naučnom vijeću Poljoprivredno-prehrambenog fakulteta u Sarajevu da Alena Mujčinović, magistra poljoprivrede, izabere u zvanje asistenta na oblasti *mikroekonomika poljoprivrede i prehrambene industrije* jer ispunjava sve uvjete Zakona o visokom obrazovanju Kantona Sarajevo i Statuta Univerziteta u Sarajevu

Članovi komisije:

Prof. dr. Aleksandra Nikolić

Prof. dr. Sabahudin Bajramović

Prof. dr. Ognjenović Dragana
